

6. gr.

Stjórn sjóðsins skipa:

- a. Skólastjóri Skóla Ísaks Jónssonar, Reykjavík, og er hann formaður sjóðsins.
 - b. Skólanefnd Skóla Ísaks Jónssonar skipar annan sjóðsstjórnarmeðlim (karl eða konu) og skal sá maður eða kona vera einhver af ættingjum eða venzlamönnum gefendanna, ef völ er á.
 - c. Þriðji meðlimur sjóðsstjórnarinnar skal vera Fræðslumálastjóri, eða sá maður, sem síðar kann að gegna því hlutverki, er Fræðslumálastjóri gegnir nú.
- Skólastjóri Skóla Ísaks Jónssonar skal jafnframt vera gjaldkeri sjóðsins, eða einhver annar, er stjórn sjóðsins samþykkir.

Fari svo, að Skóli Ísaks Jónssonar verði lagður niður, ákveður síðasta löglega kosin stjórn sjóðsins, í samráði við borgarstjóra Reykjavíkur, til hvaða líknarstarfsemi sjóðurinn skuli ganga, samkvæmt tilgangi gefendanna, og þannig, að aðeins ¼ af árlegum vöxtum hans sé úthlutað í styrktarfé, þar til sjóðurinn nemur kr. 50 000.00. Jafnframt skal þessi síðasta löglega stjórn sjóðsins ákveða, hverjir skuli skipa hina nýju stjórn sjóðsins.

7. gr.

Sjóðsstjórnin sér um reikningshald sjóðsins og skulu endurskoðendur vera hinir sömu og þeir, er kosnir eru til að endurskoða reikninga Skóla Ísaks Jónssonar.

Reikningsár sjóðsins er frá 1. sept. ár hvert til jafnlengdar næsta ár. Verði Skóli Ísaks Jónssonar lagður niður annast endurskoðendur Borgarreikninganna árlega endurskoðun sjóðsreikninga. Reikningar sjóðsins skulu árlega birtir í B-deild Stjórnartíðindanna.

8. gr.

Leita skal forsetastaðfestingar á skipulagsskrá þessari og um leið fellur úr gildi skipulagsskrá fyrir Minningarsjóð Ragnheiðar Sigurbjargar Ísaksdóttur og Jóns Þorsteinssonar, er staðfest var 23. apríl 1957.

Reykjavík, 22. okt. 1967.

Helgi Eliasson.

Magnús Stefánsson.

Högni Egilsson.

13. febrúar 1968.

Nr. 54.

G J A L D S K R Á

fyrir Rafveitu Vestmannaeyja.

I. RAFORKA

Rafveita Vestmannaeyja selur raforku á þann hátt og við því verði sem hér segir:

A. Lýsing.

11. Um kwst.mæli á kr. 5.50 hver kwst.
12. Um kwst.mæli á kr. 2.10 hver kwst. auk fastagjalds af gólfleti, er nemi kr: 27.00 á m² á ári í rúmi því, er lýsa skal.
13. Heimilt er að selja fyrirtækjum raforku til lýsingar jafnhliða annarri notkun um einn kwst.mæli, og greiðist þá fastagjald af gólfleti þess rúms er lýsa skal.

Fastagjaldið nemi 8 földum mismun á kwst.gjaldi samkv. A 11 og kwst.-gjaldi þess gjaldskrárliðar, sem greitt er eftir.

B. Almenn heimilisnotkun.**21. Um kwst.mæli þannig reiknað:**

- a. Orkugjald kr. 1.70 hver kwst.
- b. Grunnugjald (mælaleiga innifalin):
Af einfasamælingu kr. 15.00 á mánuði.
Af þrifasamælingu kr. 30.00 á mánuði.
- c. Herbergjagjald kr. 15.00 á mánuði.

Til herbergja í íbúð skal telja eldhús og öll herbergi, sem ætluð eru sem íveruherbergi.

Herbergi sem eru minna en 5 m², skal reikna sem hálft, en stærra en 25 m², sem tvö.

Þar sem meðalstærð herbergja í íbúð er minna en 10 m², má miða við samanlagt flatarmál þeirra, þannig að hverjir 10 m² jafngilda einu herbergi og 5 m², hálfu herbergi.

C. Vélanotkun.**31. Um kwst.mæli á kr. 3.00 hver kwst.**

Hafi vélarnar mjög stuttan notkunartíma, má krefja lágmarksgjalds, er nemi andvirði 200 kwst. á ári á hvert kw. í málraun véla.

32. Um kw/kwst.mæli þannig reiknað, enda sé málraun véla yfir 40 kw.:

- a. Orkugjald kr. 0.70 hver kwst.
- b. Aflgjald af notuðu afli kr. 1400.00 á hvert kw. á ári. Aflgjaldið miðast við mesta 15 mínútna meðalálág ársins.
- c. Aflgjaldið af uppsettu afli véla kr. 1 200.00 á hvert kw. í málraun véla.

Sé aflgjaldið miðað við málraun, greiðist ekki samkvæmt lið b.

Raforkuverð fyrir vélanotkun miðast við, að fasviksstuðull álagsins hjá notanda sé eigi lægra en 0.8.

Sé fasviksstuðull lægri, getur Rafveitan krafizt þess, að hann sé hækkaður upp í það gildi, en þar til það er gert, miðast aflgjaldið við 80% sýndaraflsins. Uppsetning rafsuðuspenna er háð leyfi rafveitustjóra og getur hann takmarkað notkun þeirra við tiltekna tíma sólarhringsins. Auk þess getur hann krafizt að fasviksstuðull spennanna, sé eigi lægri en 0.8.

D. Hitun.**41. Um kwst.mæli á kr. 1.00 hver kwst.****E. Önnur raforkunotkun.**

51. Raforka til suðu má selja til gisti- og veitingahúsa, sjúkrahúsa, og annarra slíkra staða á kr. 1.70 hver kwst., enda sé notkunin mæld með sérmæli og tæki fasttengd.
52. Til nota um vinnulagnir við byggingar meðan á byggingu stendur um kwst. mæli á kr. 3.30 hver kwst.
53. Til fasttengdra bókunarofna, vatns- og gufukatla á brauðgerðarhúsum er kr. 0.85 hver kwst., enda sé notkunin takmörkuð við tímabilið frá kl. 2200 til kl. 1000.
54. Til götu- og hafnarlýsingar á kr. 3.30 hver kwst.

Alla aðra rafmagnsnotkun, sem ótalin er og ekki kemst undir aðra liði þessarar gjaldskrár, skal selja eftir gjaldskrárlið A 11. Þegar sérstaklega stendur á, má rafveitustjóri þó með samþykki rafmagnsnefndar selja raforku eftir sérstökum samningi við kaupanda.

II. MÆLALEIGA

Rafveitustjóri ákveður gerð og stærð mælitækja fyrir hverja veitu, og er sú ákvörðun skuldbindandi fyrir notandann. Leiga af mælum greiðist sem hér segir:

1. Af einfasa kwst.mælum 60 A og minni	kr. 6.00 á mán.
2. Af þrífasa kwst.mælum 50 A og minni	— 12.00 — —
3. Af þrífasa kwst.mælum 50 A og til 100 A	— 20.00 — —
4. Af þrífasa kwst.mælum yfir 100 A (straumspennamæla)	— 44.00 — —
5. Af mestaafismælum 100 A og minni	— 40.00 — —
6. Af mestaafismælum yfir 100 A (straumspennamæla)	— 70.00 — —

Af öðrum mælitækjum en þeim, sem nefnd er hér, skal ársleigan vera sem næst 20% af verði mælitækjanna.

Leigan innheimtist samtímis raforkugjaldinu.

III. HEIMTAUGARGJÖLD

Rafveitustjóri ákveður stærð og gerð heimtaugar eða spennistöðvar fyrir hverja húsveitu. Umsækjandi heimtaugar skal gera grein fyrir væntanlegri notkun húsnæðis og helztu raforkunotkun.

Ein heimtaug er lögð að hverri eign (á sömu lóð), og skal greiða heimtaugargjald af hverri heimtaug (spennistöð), samkv. eftirfarandi reglu. Heimtaugargjald fyrir allt að 15 m jarðstrengsheimtaug frá jarðstrengskerfi og allt að 30 m loftlínuheimtaug frá loftlínukerfi, reiknast eftir þessari jöfnu ($2000 + 200 \times \text{kVA}$) krónur. Lengd heimtaugar reiknast frá lóðarmörkum við götu, stytztu greiðfæra leið að varkassa á útvegg. Teljist hagkvæmara að hafa varkassa á innvegg, skal leita samþykkis rafveitustjóra um gerð og frágang pípu, sem strengurinn er dreginn í. Sé jarðlínuheimtaug lögð frá loftlínu, (samkv. ósk heimtaugarbeiðanda) skal lengd heimtaugar reiknast frá loftlínustólpa að inntakskassa, en þveri heimtaugin akbraut, skal breidd akbrautar dregin frá.

Yfirlengdargjald jarðstrengs reiknast á hvern metra, umfram fyrstu 15 m þannig: $Y_j = (250 + 3 \times \text{kVA}) \text{ kr./m.}$

Yfirlengdargjald loftlínu reiknast á hvern metra umfram fyrstu 30 m þannig: $Y_l = (50 + 3 \times \text{kVA}) \text{ kr./m.}$ að við bætum 2500.0 kr. á hvern staur í umfram-lengd.

Sé lögð bráðabirgðaheimtaug í vinnuskúr eða hús í byggingu, skal greitt fyrir hana sem hér segir:

60 amp., einfasa	kr. 1 000.00
60 amp., þriggja fasa	— 1 200.00

Séu aðstæður þannig, að kostnaður við lagningu bráðabirgðaheimtaugar verði óeðlilega hár, má taka gjald fyrir hana samkv. kostnaði.

Telji rafveitustjóri, að auka þurfi flutningsgetu heimtaugar eða spennis, skal notandi greiða mismun, skv. gjaldskrá.

Sé nauðsynlegt eða hagkvæmara að setja upp spennistöð að mestu eða öllu leyti, vegna eins notanda, skal hann leggja til lóð eða húsnæði fyrir spennistöðina, eftir því sem hagkvæmara þykir að dómi rafveitustjóra vegna staðsetningar stöðvarinnar.

Þegar lóð er lögð til, er það gert rafveitunni að kostnaðarlausu og skal í öllu hlíta skilmálum rafveitunnar um stærð og staðsetningu stöðvarinnar. Þegar húsnæði er lagt til, skal það fullnægja settum skilyrðum um gerð spennistöðvarhúsa, að dómi rafveitustjóra. Eðlilegur kostnaður notanda við gerð húsnæðis fyrir spennis-

stöðina greiðist af rafveitunni (í leiguformi t. d. fyrir lengri tíma), og kemur þannig til frádráttar heimtaugargjaldi.

Gjaldskrá þessi gildir í skipulögðum hverfum. Sé um óskipulagt svæði að ræða eða aðstæður óeðlilegar, skal greiða heimtaugargjald samkvæmt kostnaðar-reikningi.

Heimtaugargjald skal greitt, þegar sótt er um heimtaug.

Tafla yfir heimtaugargjöld.

Gjald- skrár- liður	Málstraumur í 3×220 V kerfi Amp.	Stofnvara í 3×380 V kerfi Amp.	Hámarks- afl KVA	Heimtaugar- gjald Kr.
1.	2×60	1×60	13	4 600.00
2.	3×60	1×60	22	6 400.00
3.	3×100	3×60	38	9 600.00
4.			50 sp.	12 000.00
5.		3×100	66	15 200.00
6.	3×200		75 sp.	17 000.00
7.			100 sp.	22 000.00
8.	3×350	2×200	132	28 400.00
9.			150 sp.	32 000.00
10.			200 sp.	42 000.00
11.		3×350	231	48 000.00
12.			300	62 000.00

IV. OPNUNARGJÖLD

1. Hafi gjald samkvæmt gjaldskrá ekki verið greitt, þannig að beita þurfi reglugerðarákvæðum um lokun, skal greiða fyrir enduropnun kr. 150.00 sé um ítrekun að ræða.
2. Ef fundin eru óleyfileg eða of stór vör, skal veitunni tafarlaust lokað og verður hún eigi opnuð fyrr en notandi hefur greitt gjald, kr. 100.00 á skrifstofu Rafveitunnar.

V. BREYTINGAR Á GJALDSKRÁ.

1. Bæjarstjórn er heimilt að hækka eða lækka gjöld þau, sem ákveðin eru í I., II. og III. kafla þessarar gjaldskrár, um allt að 20%, án sérstakrar staðfestingar ráðuneytis, enda sé breytingin auglýst í Lögbirtingablaðinu áður en til hennar kemur.
2. Gjaldskrá þessi er miðuð við raforkukaup samkv. samningi við Rafmagnsveitu ríkisins. Stöðvist flutningur á raforku frá landi í samfleytt einn mánuð eða lengur, má hækka rafmagnsverðið frá gildandi gjaldskrá um allt að 50% fyrir jafnlangan tíma.

VI. ÝMIS ÁKVÆÐI.

Söluskattur samkv. lögum nr. 10/1960, ásamt síðari viðaukum og breytingum, er talin með í upphæð gjalda þeirra, sem um ræðir í gjaldskrá þessari.

Gjaldskrá þessi staðfestist hér með samkvæmt vatnalögum nr. 15 20. júní 1923, og orkulögum nr. 58 29. apríl 1967, til þess að öðlast gildi þegar í stað, og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá fyrir Rafveitu Vestmannaeyja, nr. 219 14. desember 1962.

Atvinnumálaráðuneytið, 13. febrúar 1968.

Ingólfur Jónsson.

Þorv. K. Þorsteinsson.

REGLUGERÐ

**um viðauka við reglugerð nr. 118 9. september 1954,
um sölu og veitingar áfengis.**

1. gr.

Við reglugerðina bætist svo hljóðandi:

Ákvæði til bráðabirgða.

Álagning samkvæmt 8. gr. skal þó eigi vera hærri að krónutölu en hún var 11. október 1967.

2. gr.

Reglugerð þessi, sem sett er samkvæmt áfengislögum nr. 58 24. apríl 1954, öðlast þegar gildi.

Í dóms- og kirkjumálaráðuneytinu, 14. febrúar 1968.

Jóhann Hafstein.

Ólafur W. Stefánsson.

AUGLÝSING

um innheimtu ýmissa gjalda með viðauka.

Ríkisstjórnin hefur ákveðið að nota heimild laga frá 20. janúar 1968 og innheimta á árinu 1968 með viðauka eftirtalin gjöld til ríkissjóðs:

- a. Með 100% viðauka stimpilgjald af afsölum fyrir fasteignum.
- b. Með 140% viðauka stimpilgjald af öðru en afsölum fyrir fasteignum og leyfisbréfa gjöld, önnur en þau, er um ræðir í aukatekjulögum nr. 104/1965.
Afsöl fyrir skráningarskyldum skipum eru undanþegin álagi.
- c. Með 560% álagi gjald af innlendum tollvörutegundum samkvæmt lögum nr. 60/1939, nema af gosdrykkjum samkvæmt 1. tölulið 4. kafla 2. gr. með 680% álagi, öli samkvæmt 3. tölulið sama kafla með 740% álagi og kaffibæti samkvæmt 1. tölulið 3. kafla, sem er undanþegið álagi.